



REPUBLIKA E SHQIPËRISË



AUTORITETI I
MEDIAVE
AUDIOVIZIVE

AGJENCIA SHTETËRORE PËR TË
DREJTAT DHE MBROJTJEN E
FËMIJËS

Nr. 414 Prot.
Tiranë, më 20/12 /2020

AUTORITETI I MEDIAVE
AUDIOVIZIVE

Nr. 2835/1 Prot.
Tiranë, më 30/12 /2020

MEMORANDUM MIRËKUPTIMI

NDËRMJET:

Agjencia Shtetërore për të Drejtat dhe Mbrojtjen e Fëmijës (ASHDMF), përfaqësuar nga Kryetari Znj. Alma TANDILI,

dhe

Autoritetit të Mediave Audiovizive (AMA) organ i pavarur, i cili vepron në bazë dhe për zbatimin e dispozitave të ligjit nr. 97/2013 “Për mediat audiovizive në Republikën e Shqipërisë”, të ndryshuar, përfaqësuar nga Kryetari z. Gentian SALA,

që më poshtë u referohemi me termin “Palët”:

Në zbatim të ligjit nr. 18/2017 “Për të drejtat dhe mbrojtjen e fëmijës” dhe në zbatim të ligjit nr. 97/2013 “Për mediat audiovizive në Republikën e Shqipërisë”, i ndryshuar;

Duke njohur rëndësinë e mbrojtjes se te miturve, garantimin e të drejtave, interesave dhe kërkesave morale e ligjore për mbrojtjen e të fëmijëve në fushën e shërbimeve audio dhe/ose audiovizive;

Duke synuar respektimin, promovimin e të drejtave të fëmijëve, si dhe mbrojtjen e veçantë të fëmijëve në fushën e shërbimeve audio dhe/ose audiovizive;

Me qëllim rritjen e bashkëpunimit midis palëve për mbrojtjen e të drejtave të fëmijëve në fushën e mediave audiovizive në Republikën e Shqipërisë;

Palët e këtij Memorandumi Mirëkuptimi (më poshtë “**Memorandumi**”) bien dakord të bashkëpunojnë me qëllim të shkëmbimit të përvojës dhe informacionit si më poshtë vijon:

Neni 1

Objekti

Objekti i këtij *Memorandumi* është përcaktimi i fushave dhe i formave të tjera të bashkëpunimit ndërmjet palëve për çështje të interesit të përbashkët që lidhen me zbatimin e legjislacionit në fuqi për mbrojtjen e të drejtave të fëmijëve në fushën e mediave audio dhe/ose audiovizive.

Neni 2

Baza Ligjore

Ky *Memorandum* lidhet në bazë të ligjit nr. 97/2013 “Për mediat audiovizive në Republikën e Shqipërisë”, të ndryshuar dhe ligjit nr. 18/2017 “Për të drejtat dhe mbrojtjen e fëmijës”.

Neni 3

Fusha e bashkëpunimit

1. Palët do të bashkëpunojnë me njëra-tjetrën për realizimin e detyrave të parashikuara në legjislacionin në fuqi sipas fushës së kompetencave, bashkëpunim i cili do të fokusohet në sa më poshtë:

- a) Mbrojtje e lirive dhe të drejtave të fëmijëve në transmetimet audiovizive;
- b) Shkëmbim ekspertize për përmirësimin e legjislacionit ekzistues sa herë që ndërthuren fushat e kompetencës;
- c) Angazhimin e përbashkët për çështje të përmbajtjeve audiovizive, duke pasur në fokus mbrojtjen e fëmijëve nga transmetimet e papërshtatshme audiovizive dhe nga reklammat me dhe për fëmijët, të cilat mund të dëmtojnë zhvillimin moral, mendor dhe fizik të fëmijëve;
- d) Nxitjen, mbështetjen dhe realizimin e veprimtarive të përbashkëta që i shërbejnë mbrojtjes së të drejtave të fëmijëve dhe interesit më të lartë të tyre;
- e) Shkëmbimin e informacionit dhe rekomandimeve për çështjet që lidhen me mbrojtjen dhe të drejtat e fëmijëve;
- f) Organizimin e aktiviteteve të përbashkëta për promovimin e të drejtave që gëzojnë të miturit;
- g) Bashkëpunimin në evidentimin e shkeljes së të drejtave të fëmijëve dhe situatave problematike në transmetimet në mediat audiovizive që çenojnë ruajtjen e konfidencialitetit dhe privatësisë së fëmijës në çdo rrethanë;
- h) Raportim i ndërsjellë i rasteve të intervistimit, identifikimit të fëmijëve viktimë të abuzimeve, të cilat dëmtojnë ose riviktimizojnë fëmijën viktimë;
- i) Referimin e rasteve konkrete dhe marrjen e masave përkatëse, në rast konstatimi të shkeljeve ligjore të sipërpërmendura;
- j) Organizim i trajnimeve të përbashkëta me aktorë të fushës së medias, gazetarë studentë lidhur me njohjen dhe respektimin e lirive dhe të drejtave të fëmijëve në media.

2. Palët mund të ndryshojnë në çdo kohë fushën e bashkëpunimit, nëpërmjet ndryshimit të Memorandumit.

3. Secila prej palëve do të caktojë personat e kontaktit për ndjekjen dhe realizimin e bashkëpunimit, sipas fushave të angazhimit që përcaktohen nga kjo marrëveshje.

Neni 4

Shkëmbimi i informacionit

AMA dhe ASHDMF shkëmbejnë informacionin e nevojshëm, të cilin pala marrëse e ruan me të njëjtin nivel konfidencialiteti, si pala dërguese.

1. Shkëmbimi i informacioneve bëhet sipas përcaktimeve në ligjet respektive të mbrojtjes nga diskriminimi dhe të mediave audiovizive, Kodit të Procedurave Administrative dhe akteve të tjera ligjore dhe nënligjore në momentin e nënshkrimit të këtij memorandumi.
2. Procesi i shkëmbimit të informacionit do të bazohet në parimin e besueshmërisë reciproke, transparencës mes palëve për aq sa e lejon legjislacioni në fuqi, efikasitetin në përshejtimin e kohës së shkëmbimit të informacionit dhe vullnetit pozitiv për të vënë në dispozicion informacionin e disponueshëm konform legjislacionit.
3. Secila nga palët duhet të garantojë konfidencialitetin e marrë nga pala tjetër. Informacioni i marrë në kuadër të këtij Memorandumi nuk mund t'i transferohet një pale të tretë, pa pasur një autorizim me shkrim nga pala që ka siguruar informacionin.

Neni 5

Grupet e përbashkëta të ekspertëve

Palët mund të ndërtojnë grupe të përbashkëta pune sipas ekspertëve, sipas nevojës, *ad-hoc*, për aspektet e analizës së situatës, procedurave të inspektimit apo bashkëpunimit ndërinstitucional për çështje të karakterit të përbashkët, sipas parashikimeve të legjislacionit në fuqi. Secila palë i mbart shpenzimet e veta lidhur me ekspertët e saj.

Neni 6

Organizimi i konferencave

Palët, kur është e përshtatshme, do të informojnë dhe do të ftojnë në workshope, seminare, simpoziume, trajnime dhe konferenca kombëtare dhe/ose ndërkombëtare të organizuara nga palët, Komisioni Evropian etj., apo autoritetet simotra të vendeve të rajonit, BE e më gjerë.

Neni 7

Koherenca e takimeve mes palëve

Titullarët e palëve respektive do të takohen në rast nevojë përsa i përket implementimit të këtij Memorandumi, në mënyrë që të rendisin prioritetet e bashkëpunimit brenda kësaj kornize dhe vazhdimin e tij, shkëmbim pikëpamjesh dhe sipas mundësive, do të ndërmarrin veprime dhe

pozicione të përbashkëta në forume dhe organizata evropiane ndërkombëtare, që kanë të bëjnë me sektorin e mediave audiovizive.

Neni 8

Analiza e zbatimit të Memorandumit

Palët do të shqyrtojnë në baza dyvjetore, rezultatet e bashkëpunimit të tyre, sipas këtij Memorandumi të Mirëkuptimit. Palët do të ndërmarrin hapa për përmirësimin e bashkëpunimit dhe do të bëjnë propozime të përshtatshme për të ndryshuar fushën e veprimit të këtij Memorandumi.

Neni 9

Pikat e kontaktit

1. Në dhe për zbatim të këtij Memorandumi, personat e kontaktit do të jenë:

a. Për ASHMDF-në:

Znj. Alma Tandili Kryetar i Agjencisë Shtetërore për të Drejtat dhe Mbrojtjen e Fëmijës
Kontakt: alma.tandili@femijet.gov.al

b. Për AMA-n:

Z.Urim Bajrami Kryetar i Këshillit të Ankesave
Kontakt: urim.bajrami@ama.gov.al

Neni 10

Nënshkrimi dhe hyrja në fuqi

Memorandumi hyn në fuqi në datën e poshtëshënuar dhe mund të ndërpritet nga secila palë, duke njoftuar palën tjetër paraprakisht në një afat kohor prej 1 (një) muaji.

U firmos dhe hyn në fuqi në datë 30.12.2020

PËR

AGJENCINË SHTETËRORE PËR TË
DREJTAT DHE MBROJTJEN E
FËMIJËVE

KRYETAR

ALMA TANDILI

PËR

AUTORITETITIN E MEDIAVE
AUDIOVIZIVE

KRYETAR

GENTIAN SALA